

საქართველოს სოც.



საბჭ. რესპუბლიკის

მუხათა დც გლმხთა მთავროგის

კანონთა დც განკარგულეგათა კრეგული

იუსციციის სსსცლსო კომისცარიცის ცამოცეც

1929 წ. აპრილის 30

№ 8

ნაწილი პირველი

შ ი ნ ა რ ს ი:

ცენტრალური აღმასრულებელი კომიტეტის დც სახალხო კომისცართა საბჭოს დცდგენილებანი.

61. საქართველოს სსრ სახელმწიფო სტატისტიკის ადგილობრივი ორგანოების დებულე-ბის დამტკიცების შესახებ.

დებულება საქართველოს სსრ სახელმწიფო სტატისტიკის ადგილობრივი ორგანოების შესახებ.

62. სისხ. სამ. კოდ. 92 მუხლისათვის მეორე ნაწილის დამატების შესახებ.

ცენტრალური აღმასრულებელი კომიტეტის დცდგენილებანი.

63. დედათა დც ბავშვთა დცციის საზოგადოების „სამდლიური“-ს მოწყობის შესახებ.

სახალხო კომისცართა საბჭოს დცდგენილებანი.

64. შენობის გაცდასახადის უკიდურესი განაკვეთის შესახებ.

65. კომუნალურ საწარმოთა ქონების ამორტიზაციის დებულეების დამტკიცების შესახებ.

დებულება კომუნალურ საწარმოთა ქონების ამორტიზაციის შესახებ.

66. სვანეთის გზის მშენებელი კომიტეტის დებულეების დამტკიცების შესახებ.

დებულება სვანეთის გზის მშენებელი კომიტეტის შესახებ.

67. სამაზრო აღმასრულებელი კომიტეტების მიერ, 1928-29 წლის საბიუჯეტო წლისთვის, ადგილობრივ ბიუჯეტში შესულ გამოსაღებზე 9/10-ული დანარიცხების დაწესების შესახებ იმ სა-ხალხო მოსამართლეთა გასამრჯელოს გაცალებად, რომელნიც ნოტარიუსის მოვალეობას ასრუ-ლებენ.

68. საქართველოს სსრ სახალხო კომისართა საბჭოსთან არსებული მომზადებელი კომისისა და აგრეთვე მისი დებულებების გაუქმების შესახებ.

69. 1928-29 საბიუჯეტო წლისთვის ცენტრალური რესპუბლიკანური დაწესებულებებისა და არაგაერთიანებული სახალხო კომისარიატების შტატებისა და ჯამაგირების განსაზღვრის შესახებ.

70. მუშათა და გლეხთა წითელარმიის კადრის მეურნოსეთა შედგენილობის პირთათვის, თავმოყრის დროს, ბინის ქირის 50%/6-ანი შეღავათის დაწესების შესახებ.

71. „სახელმწიფო შეკვეთით ნარდად მუშაობისა და გაყიდვა-მიწოდების საჯარო ვაქრობით გაცემის პუბლიკაციის თაობაზე“ სახალხო კომისართა საბჭოს მიერ 1927 წ. ნოემბრის 4 თარიღით გამოცემული დადგენილების 1-ლ მუხლისთვის შენიშვნის დამატების შესახებ.

სენსრალური აღმასრულებელი კომიტეტის და სახალხო კომისართა საბჭოს დადგენილება.

61. დადგენილება ც. ა. კ. და ს. კ. ს.

საქართველოს სსრ სახელმწიფო სტატისტიკის ადგილობრივი ორგანოების დებულების დამტკიცების შესახებ.

სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

დამტკიცებულ და სამოქმედოდ შემოღებულ იქნეს ამასთანავე დართული დებულება საქართველოს სსრ სახელმწიფო სტატისტიკის ადგილობრივი ორგანოების შესახებ.

სრულიად საქართველოს საბჭოთა ცენტრალური აღმასრულებელი კომიტეტის თავმჯდომარე ფ. მახარაძე.

საქართველოს სსრ სახალხო კომისართა საბჭოს თავმჯდომარის მოადგილე გ. მგალობლიშვილი.

სრულიად საქართველოს საბჭოთა ცენტ. აღმასრულებელი კომიტეტის მდივანი ი. ვარძიელი.

1929 წ. იანვრის 30.
ტფილსი-სასახლე.

დ ე ბ უ ლ ე ბ ა

საქართველოს სსრ სახელმწიფო სტატისტიკის ადგილობრივი ორგანოების შესახებ.

გ ა ნ ც ო ფ ი ლ ე ბ ა I.

1. ზოგადი დებულებანი.

1. საქართველოს სოციალისტური საბჭოთა რესპუბლიკის სახელმწიფო სტატისტიკის ადგილობრივ ორგანოებად ითვლებიან:

ა) აფხაზეთის სსრ-ის სტატისტიკის სამმართველო, აჭარისტანის ავტონომიური სსრ-ის სტატისტიკის სამმართველო, საქართველოს სტატისტიკის ცენტრა-

ლური სამმართველოს რწმუნებულის სამმართველო სამხრეთ-ოსეთის ავტონომიურ ოლქის ცენტრალურ აღმასრულებელ კომიტეტთან;

ბ) სამაზრო და საქალაქო აღმასრულებელი კომიტეტების სტატისტიკის განყოფილებანი;

გ) რაიონების სტატისტიკოსები.

2. ამა დებულების პირველ მუხლში დასახელებული ორგანოები ითვლებიან საქართველოს სსრ სტატისტიკის ცენტრალური სამმართველოს ადგილობრივ ორგანოებად და განაგებენ ადგილობრივი მნიშვნელობის სტატისტიკურ სამუშაოთა ორგანიზაციისა და განხორციელების საქმეს.

3. ადგილობრივი მნიშვნელობის სტატისტიკურ სამუშაოთა გეგმებსა და პროგრამებს აფხაზეთის სსრ-ისა და აჭარისტანის ავტონომიური სსრ-ის სტატისტიკის სამმართველონი და საქართველოს სსრ-ის სტატ. ცენტ. სამმართველოს რწმუნებულის სამმართველო სამხრეთ-ოსეთის ავტ. ოლქის ცენტ. აღმ. კ-ტან და აგრეთვე სამაზრო და საქალაქო სტატ. განყოფილებანი წარუდგენენ განსახილველად და დასამტკიცებლად საქართველოს სსრ სტატ. ცენტრალურ სამმართველოს.

4. არავითარ დაწესებულებას და პირს არ შეუძლიან დააკისროს ადგილობრივ სტატ. ორგანოს ისეთი სამუშაოს და ოპერაციის შესრულება, რაც ამა დებულების ძალით მის გამგებლობის საგანს არ შეადგენს და რასაც სტატისტიკური სამუშაოს ხასიათი არა აქვს.

5. ადგილობრივ მმართველობას და ხელისუფლების უმაღლეს ორგანოს შეუძლიან დააკისროს ადგილობრივ სტატ. ორგანოს სტატისტიკური ხასიათის სამუშაო მხოლოდ საქართველოს სსრ ცენტ. სტატ. სამმართველოსთან შეთანხმებით და ისიც იმ შემთხვევაში, უკეთეს ასეთი სამუშაოს წარმოება არ არღვევს სახელმწიფო სტატისტიკურ სამუშაოთა გეგმას.

გ ა ნ ც ი ლ ე ზ ა II.

საქართველოს სსრ სახელმწიფო სტატ-კის ადგილობრივი ორგანოების სტატუსი.

1. აფხაზეთის სსრ-ისა, აჭარისტანის ავტონომიური სსრ-ისა და სამხრეთ-ოსეთის ავტონომიური ოლქის სტატისტიკის სამმართველოები.

6. აფხაზეთის სსრ და აჭარისტანის ავტ. სსრ სტატ. სამმართველოები და საქართველოს სტატ. ცენტრ. სამმართველოს რწმუნებულის სამმართველო სამხრეთ-ოსეთის ავტონომიურ ოლქის ცენტრ. აღმ. კ-ტან მოქმედებენ ავტონომიური რესპუბლიკების გაერთიანებული სახალხო კომისარიატის უფლებების საფუძველზე.

7. სტატ. სამმართველოს სათავეში სდგას: აფხაზეთის სსრ-ში და აჭარისტანის ავტ. სსრ-ში სტატ. სამმართველოს მმართველი, ხოლო სამხრეთ-ოსეთის ავტ. ოლქში—საქართველოს სტატ. ცენტ. სამმართველოს რწმუნებული, რომელ-

ნიც დაინიშნებიან საქართველოს სსრ-ის ავტონომიური რესპუბლიკებისა და ოლქის სახალხო კომისარიატების საერთო დებულების თანახმად.

8. აფხაზეთის სსრ-ისა და აჭარისტანის ავტ. სსრ-ის სტატ. სამმართველოებისა და საქართველოს სტატ. ცენტ. სამმართველოს რწმუნებულის (სამხრეთ-ოსეთის ავტონომიური ოლქის ცენტ. აღმ. კ.ტთან) სამმართველოს შედგენილობაში შედის:

- ა) სტატ. სამმართველოს მმართველი და რწმუნებული;
- ბ) სოციალური სტატისტიკის განყოფილება;
- გ) სასოფლო-სამეურნეო წარმოების სტატისტიკის განყოფილება;
- დ) მრეწველობისა და შრომის სტატისტიკის განყოფილება;
- ე) აღებმიცემობის სტატისტიკის განყოფილება;
- ვ) საერთო განყოფილება.

II. სამაზრო და საქალაქო აღმასრულებელი უშიშროების სტატ. განყოფილებანი.

9. სამაზრო და საქალაქო აღმ. კომიტეტების სტატ. განყოფილებათა სათავეში სდგანან განყოფილებათა გამგენი, რომელთაც აარჩევს სათანადო აღმასრულებელი კომიტეტი და დაამტკიცებს საქართველოს სსრ სტატ. ცენტ. სამმართველო.

შენიშვნა. უკეთეს საქართველოს სსრ სტატ. ცენტ. სამმართველოს მმართველი თანახმა არ არის ამა თუ იმ არჩეული, ამა მუხლში აღნიშნული გამგის დანიშვნისა, საკითხი გადასაჭრელად გადაიტანება სრულიად საქართველოს ცენტრალური აღმასრულებელი კომიტეტის პრეზიდიუმში.

10. სამაზრო და საქალაქო აღმ. კ.ტ-ის სტატ. განყოფილებათა შედგენილობაში შედის:

- ა) სოციალური სტატისტიკის განყოფილება და
- ბ) სამეურნეო სტატისტიკის განყოფილება.

შენიშვნა. ადგილობრივი პირობების მიხედვით სამაზრო და საქალაქო აღმ. კომიტეტების სტატ. განყოფილებათა სტრუქტურაში შეიძლება ამა თუ იმ ცვლილების შეტანა სათანადო სამაზრო და საქალაქო აღმ. კომიტეტის თანხმობით და საქართველოს სტატ. ცენტ. სამმართველოს დასტურით.

III. რაიონების სტატისტიკოსები.

11. რაიონების სტატისტიკოსები თავიანთ მოქმედებაში უშუალოდ ემორჩილებიან ავტ. რესპუბლიკებისა და ოლქის სტატ. სამმართველოებს და სამაზრო და საქალაქო აღმ. კომიტეტის სათანადო სტატ. განყოფილებას.

12. რაიონების სტატისტიკოსებს დანიშნავენ და დაითხოვენ ავტონომიური რესპუბლიკებისა და ოლქის სტატ. სამმართველონი და სამაზრო და საქალაქო აღმ. კომიტეტების სტატ. განყოფილებანი.

გ ა ნ ყ ო დ ი ლ უ ჭ ა III.

საქართველოს სსრ სახელმწიფო სტატისტიკის ადგილობრივი ორგანოების გამგებლობის საბანი.

ა) აფხაზეთის სსრ-ისა, აჭარისტანის სსრ-ისა და სამხრეთ-ოსეთის ავტ. ოლქის სტატ. სამმართველოებისა.

13. აფხაზეთის სსრ-ისა და აჭარისტანის ავტ. სსრ-ის სტატ. სამმართველოებისა და საქართველო, სტატ. ცენტრ. სამმართველოს რწმუნებულის (სამხრეთ-ოსეთის ავტ. ოლქის ცენ. აღმ. კ-ტთან) სამმართველოს გამგებლობის საგანს შეადგენს:

ა) ადგილობრივი სტატ. ორგანოთა მოწყობა და მათთვის უშუალო ხელმძღვანელობის გაწევა;

ბ) სტატ. სამუშაოების წლიური და პერსპექტიული გეგმების შედგენა და განსახილველად საქართველოს სსრ სტატ. ცენ. სამმართველოში წარდგენა;

გ) სახალხო კომისარიატებისა და სხვა ცენტრალური დაწესებულებებისა და ორგანიზაციების სტატ. სამუშაოთა გეგმების განხილვა და აგრეთვე სტატ. სამუშაოების მოცულობისა და წარმოების წესის განსაზღვრა და დასამტკიცებლად საქართველოს სსრ სტატ. ცენ. სამმართველოში წარდგენა;

დ) სახალხო კომისარიატებისა და სხვა ცენტრალური დაწესებულებების მიერ საოპერაციო წლის განმავლობაში, საწარმოებელ გეგმის მიხედვით გეგმის გარეშე სტატისტიკურ სამუშაოთა შესახებ დასკვნის მიცემა და მათი სტატისტიკურ სამუშაოთა საერთო გეგმასთან შეთანხმება;

ე) ადგილობრივი მნიშვნელობის ცალკე გამოკვლევათა და აღწერათა პროგრამებისა და საორგანიზაციო გეგმების შედგენა;

ვ) საქართველოს სსრ სტატ. ცენ. სამმართველოს მიერ დაკისრებულ სტატისტიკურ სამუშაოთა შესრულება;

ზ) ადგილობრივი აღწერების წარმოება;

თ) აფხაზეთის სსრ-ისა და აჭარისტანის ავტ. სსრ-ის სამმართველოებისა და საქართველოს სსრ სტატ. ცენ. სამმართველოს რწმუნებულის (სამხრეთ-ოსეთის ავტონომიური ოლქის ცენ. აღმ. კ-ტთან) სამმართველოს ქვემდებარე სტატ. ორგანოებისა, სახ. კომისარიატებისა და სხვა დაწესებულებებისა და ორგანიზაციების მიერ შეკრეფილ სტატისტიკურ მასალის შეჯამება და დამუშავება, როდესაც ეს გათვალისწინებულია სამუშაოთა სათანადო გეგმით;

ი) აფხაზეთის სსრ-ისა, აჭარისტანის ავტ. სსრ-ისა და სამხრეთ-ოსეთის ავტ. ოლქის მთავრობების დავალებით სტატისტიკურ სამუშაოთა შესრულება;

კ) სტატისტიკის ცოდნის გავრცელებისა და სტატისტიკის დარგის მომუშავეთა კადრის მომზადებისათვის სათანადო ღონისძიებათა მიღება;

ლ) სტატისტიკური ხასიათის ცნობების მიწოდება სახელმწიფო დაწესებულებათათვის მათი მოთხოვნისამებრ;

მ) ადგილობრივი დაწესებულებებისა და ორგანიზაციების სტატისტიკურ მუშაობის მოწესრიგება და მეთოდოლოგიური ხელმძღვანელობა, აგრეთვე ამ მუშაობის დაყენებისა და განხორციელებისათვის კონტროლის გაწევა.

14. აფხაზეთის სსრ-ისა და აჭარისტანის ავტ. სსრ-ის სტატ. სამმართველოებისა და საქართველოს სსრ სტატ. ცენ. სამმართველოს რწმუნებულის (სამხრეთ-ოსეთის ავტ. ოლქის ცენ. აღმ. კ-თან) სამმართველოს სოციალური სტატისტიკის განყოფილებათ დაეკისრებათ:

- ა) ადმინისტრატულ-ტერიტორიალურ და დასახლებული პუნქტების შედგენილობაში მომხდარი ცვლილებების აღნუსხვა;
- ბ) მოსახლეობის ბუნებრივი და მექანიკური მოძრაობის დაკვირვება და სხვა ჭეშაობა, რაც დაკავშირებულია მოსახლეობის მოძრაობის შესწავლასთან;
- გ) მოსახლეობის რაოდენობისა და შედგენილობის გამორკვევა დემოგრაფიული, ნაციონალური და პროფესიული ნიშნების მიხედვით;
- დ) სახალხო განათლების სტატისტიკა;
- ე) მორალური სტატისტიკა;
- ვ) სახალხო ჯანმრთელობისა და სასანიტარო-სამკურნალო საქმის შესწავლა;
- ზ) კომუნალურ მეურნეობის შესწავლა;
- თ) ყოველი სახის მშენებლობის შესწავლა;
- ი) საბინაო საკითხის შესწავლა;
- კ) საარჩევნო სტატისტიკა.

15. აფხაზეთის სსრ-ისა და აჭარისტანის ავტონ. სსრ-ის სტატ. სამმართველოებისა და საქართველოს სსრ სტატ. ცენ. სამმართველოს რწმუნებულის (სამხრეთ-ოსეთის ავტ. ოლქის ცენ. აღმ. კ-თან) სამმართველოს სასოფლო-სამეურნეო წარმოების სტატისტიკის განყოფილებათ დაეკისრებათ:

- ა) სას.-სამეურნეო წარმოების წლიური ციკლისა და, კერძოდ, ნათესებისა და ბალახეულობის მდგომარეობის დაკვირვება;
- ბ) სას.-სამეურნეო წარმოების ძირითადი ელემენტების შესწავლა;
- გ) ავტონომიური რესპუბლიკებისა და ოლქის პურ-ფურაჟის ბალანსისა, სხვა დარგებისა და მთლად სოფლის მეურნეობის ბალანსების შესწავლა;
- დ) სოფლის მეურნეობის დიფერენციაციისა და განზოგადოების პროცესების შესწავლა;
- ე) სოფლის მეურნეობის ინდუსტრიალიზაციისა, რაციონალიზაციისა და რეკონსტრუქციის პროცესების შესწავლა;
- ვ) კარბი მოსახლეობის გამორკვევა და კოლონიზაციის საკითხების შესწავლა;

ზ) სოფლის მეურნეობაში კაპიტალის დაგროვების პროცესებისა, რაოდენობისა და შედგენილობის შესწავლა;

თ) საგლეხო მეურნეობის საბიუჯეტო სტატისტიკის წარმოება და სოფლის მოსახლეობის სამეურნეო და საპირადო ზოხმარების სფეროს გამორკვევა.

16. აფხაზეთის სსრ-ისა და აჭარისტანის ავტონ. სსრ-ის სტატ. ცენ. სამმართველოებისა და საქართველოს სსრ სტატ. ცენ. სამმართველოს რწმუნებულის (სამხრეთ-ოსეთის ავტ. ოლქის ცენ. აღმ. კ-თან) სამმართველოს მრეწველობისა და შრომის სტატისტიკის განყოფილებათ დაეკისრებათ:

- ა) მრეწველობის კონიუნქტურის დაკვირვება;
- ბ) სამრეწველო წარმოების ძირითადი ელემენტების შესწავლა;

გ) სამრეწველო წარმოების ნატურალური და ფასობრივი მოცულობის გამოანგარიშება;

დ) მრეწველობის კონცენტრაციის პროცესებისა და ინდუსტრიალური წარმოების რაციონალიზაციისა და რეკონსტრუქციის შესწავლა და აგრეთვე მსხვილი და წვრილი მრეწველობის თანაფარდობის გამოკვლევა;

ე) მრეწველობაში კაპიტალის დაგროვების პროცესებისა, რაოდენობისა და შედგენილობის შესწავლა;

ვ) შრომის ნაყოფიერებისა, მუშა-ძალისა და სამუშაო ხელფასის მოძრაობისა და სამუშაო დროის გამოყენების დაკვირვება;

ზ) მუშათა და მოსამსახურეთა შრომისა და ყოფა-ცხოვრების პირობებისა, აგრეთვე მუშა-მოსამსახურეთა ბიუჯეტების შესწავლა;

თ) სოციალური დაზღვევის სტატისტიკის წარმოება.

17. აფხაზეთის სსრ-ისა და აჭარისტანის ავტონ. სსრ-ის სტატ. სამმართველოებისა და საქართველოს სტატ. ცენტ. სამმართველოს რწმუნებულის (სამხრეთ-ოსეთის ცენტ. აღმ. კ-ტთან) სამმართველოს აღმემბციემობის განყოფილებათ დაეკისრებათ:

ა) საქონლის ფასების მოძრაობის დაკვირვება და ინდექსების გამოანგარიშება;

ბ) სავაჭრო ქსელის სტატისტიკის წარმოება (რკ. გზისა, წყლისა, კაპან-ზიდისა);

დ) საგადასახადო სტატისტიკის წარმოება;

ე) აფხაზეთის სსრ-ისა, აჭარისტანის ავტ. სსრ-ისა და სამხრეთ-ოსეთის ავტ. ოლქის და მათ შედგენილობაში შემავალი ადმინისტრაციული ერთეულების ბიუჯეტების შესწავლა;

ვ) კოოპერაციის სტატისტიკის წარმოება.

18. აფხაზეთის სსრ-ისა და აჭარისტანის ავტ. სსრ-ის სტატ. სამმართველოებისა და საქართველოს სტატ. ცენტ. სამმართველოს რწმუნებულის (სამხრეთ-ოსეთის ავტ. ოლქის ცენტ. აღმ. კ-ტთან) სამმართველოს საერთო განყოფილებათ დაეკისრებათ:

ა) სტატისტიკ. სამმართველოს საქმეებზე საერთო მიწერ-მოწერის წარმოება;

ბ) სტატ. სამმართველოს პირადი შედგენილობისა და სტატისტიკის დარგში კვალიფიციური მომუშავეების აღნუსხვა სათანადო ავტონომიური რესპუბლიკისა თუ ოლქის ტერიტორიაზე;

გ) იმ საკითხების დამუშავება, რაც სტატ. სამმართველოს და მის ადგილობრივ ორგანოების შტატებსა და ხარჯთაღრიცხვას შეეხება, აგრეთვე სათანადო ავტ. რესპუბლიკისა თუ ოლქის სხვა სტატისტიკური დაწესებულებების შტატებისა და ხარჯთაღრიცხვების საკითხების თაობაზე დასკვნის მიცემა;

დ) სტატისტიკური მუშაობის ტექნიკის რაციონალიზაციისათვის საჭირო ღონისძიებათა განხორციელება;

ე) ზედამხედველობის გაწევა, რათა აფხაზეთის სსრ-ისა, აჭარისტანის ავტ. სსრ-ისა და სამხრეთ-ოსეთის ავტ. ოლქის ტერიტორიაზე მყოფმა ამა თუ იმ დაწესებულებამ, საწარმომ და კერძო პირმა შეასრულოს მისთვის სავალდებულო

დადგენილება და განკარგულება სათანადო ორგანოებისა სტატისტიკის საკითხების შესახებ, და, არსებული წესისამებრ, შესაფერ ღონისძიებათა მიღება ამ დადგენილებათა და განკარგულებათა შესრულებისათვის;

ვ) სტატ. სამმართველოს გამომცემლობისა და საინფორმაციო ნაწილის გამგებლობა;

ზ) სტატ. სამმართველოს სამეურნეო ნაწილის გამგებლობა და მის შენობის დაცვა;

თ) სტატისტიკური ცოდნის გავრცელებისა და სტატ. მომუშავეთა კადრის მომზადებისათვის სათანადო ღონისძიებათა განხორციელება უწყებულ ავტ. რესპუბლიკასა თუ ოლქში;

ი) სასტატისტიკო თათბირების ორგანიზაცია;

კ) სხვა საადმინისტრაციო-საფინანსო და საორგანიზაციო საკითხების გადაწყვეტა, რაც სტატ. სამმართველოს მუშაობის პროცესში აღიძვრის.

ბ) სამაზრო და საქალაქო აღმასრულებელი კომიტეტების სტატ. განყოფილებისა.

19. სამაზრო და საქალაქო აღმ. კომიტეტების სტატ. განყოფილებათ დაეკისრებათ:

ა) სტატისტიკური დაკვირვების პირველადი ორგანოების მოწყობა და მათთვის უშუალო ხელმძღვანელობის გაწევა;

ბ) ადგილობრივი მნიშვნელობის სტატისტიკურ ცალკე გამოკვლევათა და აღწერათა პროგრამებისა და გეგმების შედგენა;

გ) საქართველოს სსრ სტატ. ცენ. სამმართველოს დავალებით სტატ. სამუშაოების შესრულება;

დ) ადგილობრივი მნიშვნელობის აღწერათა წარმოება;

ე) სახელმწიფო დაწესებულებათათვის სტატ. ცნობების მიწოდება მათი მოთხოვნისამებრ.

20. ა) ადმინისტრ.-ტერიტორიულ და დასახლებულ პუნქტების შედგენილობაში მომხდარ ცვლილებათა აღნუსხვა;

ბ) მოსახლეობის ბუნებრივი და მექანიკურ მოძრაობის დაკვირვება და ამ მოძრაობის შესწავლასთან დაკავშირებული სხვა მუშაობის წარმოება;

გ) მოსახლეობის რაოდენობისა და შედგენილობის გამორკვევა დემოგრაფიული, ნაციონალური, სოციალური და პროფესიული ნიშნების მიხედვით;

დ) სახალხო განათლების სტატისტიკა;

ე) მორალური სტატისტიკა;

ვ) სახალხო ჯანმრთელობისა და სასანიტარო-სამკურნალო საქმის შესწავლა;

ზ) კომუნალური მეურნეობის შესწავლა;

თ) საბინაო საკითხის შესწავლა;

ი) ყველა სახის მშენებლობის სტატისტიკა;

კ) საარჩევნო სტატისტიკა;

21. ა) სასოფლო-სამეურნეო წარმოების წლიურ ციკლისა და, კერძოდ, ნათესებისა და ბალახეულობის მდგომარეობის დაკვირვება;

- ბ) სას.-სამეურნეო წარმოების ძირითადი ელემენტების აღნუსხვა;
- გ) პურ-ფურაჟის ბალანსის შედგენა;
- დ) ჭარბი მოსახლეობის გამოკვლევა და კოლონიზაციის შესწავლა;
- ე) სოფლის მეურნეობაში კაპიტალის დაგროვების პროცენტებისა, რაოდენობისა და შედგენილობის შესწავლა;
- ვ) საგლეხო მეურნეობის საბიუჯეტო სტატისტიკის წარმოება და სოფლის მოსახლეობის სამეურნეო და საპირადო მოხმარების სფეროს გამორკვევა;
22. ა) მრეწველობის კონიუნქტურის დაკვირვება მთავარი მაჩვენებლები მიხედვით;

- ბ) სამრეწველო წარმოების ძირითადი ელემენტების შესწავლა;
- გ) სამრეწველო წარმოების ნატურალური და ფასობრივი მოცულობის გამოანგარიშება;
- დ) შრომის ნაყოფიერებისა, მუშა-ძალისა და სამუშაო ხელფასის მოძრაობისა და სამუშაო დროის გამოყენების დაკვირვება;
- ე) მუშათა და მოსამსახურეთა შრომისა და ყოფა-ცხოვრების პირობებისა, აგრეთვე მუშა-მოსამსახურეთა ბიუჯეტების შესწავლა;
- ვ) სოციალური დაზღვევის სტატისტიკის წარმოება.
23. ა) საქონლის ფასების მოძრაობის დაკვირვება და ინდექსების გამოანგარიშება;

- ბ) სავაჭრო ქსელის სტატისტიკის წარმოება და სავაჭრო ბრუნვების გამოკვევა;
- გ) საგადასახადო სტატისტიკის წარმოება;
- დ) ადგილობრივი ბიუჯეტების გამოკვლევის ჩატარება;
- ე) კოოპერაციის სტატისტიკის ცნობების შეკრეფა.

გ ა ნ ყ ო ე ი ლ ე ჳ ა IV.

საქართველოს სსრ სახელმწიფო სტატ-კის ადგილობრივი ორგანოების უფლება-მოვალეობანი.

ა) ავტ. რესპუბლიკებისა და ოლქის სტატ. სამმართველოები.

24. აფხაზეთის სსრ-ისა და აჭარისტანის ავტ. სსრ-ის სტატ. სამმართველოებს და საქართველოს სსრ სტატ. ცენ. სამმართველოს რწმუნებულის (სამხ.-ოსეთის ავტ. ოლქის ცენ. აღმ. კტ-თან) სამმართველოს, მათთვის დაკისრებულ მიზნების განსახორციელებად, უფლება აქვთ:

- ა) მოსთხოვონ ყველა სახელმწიფო, კოოპერატიული, საზოგადოებრივ დაწესებულებასა და საწარმოს და პირს სტატისტიკური მუშაობისათვის საჭირო ცნობებისა და მასალების წარდგენა სტატ. სამმართველოს მიერ დანიშნულ ვადაზე;
- ბ) გამოსცენ მომქმედი კანონმდებლობის მიხედვით ინსტრუქციები, ცირკულიარები და სხვ. სტატისტიკის საკითხების შესახებ;
- გ) ზედამხედველობა გაუწიონ ყველა დაწესებულებას, ორგანიზაციას და პირს, რომელიც კი უწყებულ ავტონ. რესპუბლიკისა და ოლქის ტერიტორიაზე

იმყოფება, რათა მათ სისწორით შესარულონ ყველა მათთვის სავალდებულო დადგენილება და განკარგულება სტატ. საკითხების შესახებ;

დ) მისცენ დასკვნა უწყებული ავტ. რესპუბლიკისა თუ ოლქის ტერიტორიაზე მყოფი სახალხო კომისარიატისა და სხვა დაწესებულებებისა და ორგანოებისა მიერ წარმოებულ სტატ. სამუშაოს სახარჯთაღრიცხვო და საშტატო განხრახულების შესახებ;

ე) მოაწიონ სასწავლო და სასწავლო-დამხმარე სასტატ. დაწესებულებანი, სტატისტიკის კურსები, ბიბლიოთეკები და სხვ.;

ვ) მოიწვიონ სტატ. თათბირები ადგილობრივ სტატ. დაწესებულებათა წარმომადგენლებისაგან;

ზ) აწარმოონ ფოსტით უფასოდ კორესპონდენციების გაგზავნა-გამოგზავნა თავის კორესპონდენტებთან.

25. აფხაზეთის სსრ-ისა, აჭარისტანის ავტ. სსრ-ისა და სამხრეთ-ოსეთის ავტონომიური ოლქის ტერიტორიაზე მყოფი ყველა სახელმწიფო, კოოპერატიული და საზოგადოებრივი დაწესებულება და საწარმო, აგრეთვე კერძო დაწესებულება და პირი მოვალეა წარუდგინოს ორ ცალად აფხაზეთის სსრ-ისა და აჭარისტანის ავტ. სსრ-ის სტატ. სამმართველოებს და საქართველოს სტატ. ცენ. სამმართველოს რწმუნებულის (სამხრეთ-ოსეთის ავტ. ოლქის ცენ. აღმ. კ-ტთან) სამმართველოს მის მიერ გამოშვებული გამოცემა სათანადო ატონომიური რესპუბლიკისა თუ ოლქის სტატისტიკისა და ეკონომიკის საკითხების შესახებ, ერთი თვის განმავლობაში დღიდან გამოცემის გამოსვლისა.

ბ) სამაზრო და საქალაქო აღმ. კომიტეტების სტატ. განყოფილებანი.

26. სამაზრო და საქალაქო აღმ. კ-ტების სტატ. განყოფილებანი არიან საქართველოს სსრ სტატ. ცენ. სამმართველოს (და ავტონომიური რესპუბლიკებისა და ოლქის) აღმასრულებელი ორგანოები და ამ უკანასკნელთა ფუნქციებს ასრულებენ თავთავიანთ ტერიტორიაზე კუთვნილებისამებრ;

27. სამაზრო და საქალაქო აღმ. კ-ტების სტატ. განყოფილებანი მოაწიობენ რაიონების სტატისტიკოსების ქსელს, ხელმძღვანელობას გაუწყვენ მათ მუშაობას და მიიღებენ ღონისძიებას მათი მუშაობის კვალიფიკაციის წარმატებისათვის.

რაიონების სტატისტიკოსების უფლება-მოვალეობანი.

28. რაიონების სტატისტიკოსებს დაეკისრება შემდეგი სამუშაო:

I. სოციალური სტატისტიკის დარგში.

დემოგრაფია: ა) დასახლებულ ადგილთა სიების წარმოება; ბ) მეკომურთა სიების წარმოებისა და მოსახლეობის ბუნებრივი მოძრაობის აღწერისათვის თვალყურის დევნება; გ) მოქალაქობრივი მდგომარეობის აქტების ჩამწერ ორგანოების მოქმედებისათვის თვალყურის დევნება სამოქალაქო მდგომარეობის აქტების ჩაწერისა და სტატისტიკური ფურცლების სტატ. სამმართველოებისა და სტატ. სამაზრო განყოფილებათათვის თავის დროზე გაგზავნის სფეროში; დ)

დაწესებულება-ორგანოების დაბალი ქსელის კავშირგაბმულობა, მილიცია, სასამართლო, სოც. დაზღვევა, სახ. ჯანმრთელობა, სახ. განათლება და სხ. აღნუსხვა.

მორალური სტატისტიკა: ა) სტატისტიკოსის რაიონში თავის მკვლევლობის ყველა შემთხვევაზე ფურცლების შედგენა; ბ) თვალყურის დევნება, რათა სახალხო მოსამართლეებმა „მსჯავრდადებულთა ფურცლები“ სისწორით შეაყსონ და თავის დროზე გაუგზავნონ სამაზრო სასამართლოს, რისთვისაც რაიონის სტატისტიკოსს უფლება აქვს გაეცნოს სისხლის სამართლის საქმეების მოძრაობის ნუსხებს.

სახალხო განათლების სტატისტიკა: მეთვალყურეობის გაწევა, რათა სახალხო განათლების მიმდინარე გამოკვლევების თაობაზე სტატ. ფორმულიარები სისწორით იქნეს შეესებული და თავის დროზე გაიგზავნოს სტატ. სამმართველოებში და სამაზრო სტატ. განყოფილებებში.

სახალხო ჯანმრთელობის სტატისტიკა: თვალყურის დევნება, რათა სახალხო ჯანმრთელობის ორგანოების მიერ თავის დროზე იქნეს შესრულებული მისახლეობის დაავადების ანგარიშგება და აღნუსხვა.

II. სასოფლო-სამეურნეო სტატისტიკის დარგში.

ა) დღიურების წარმოება და მათი მიხედვით მიმდინარე სას.-სამეურნეო სტატისტიკის ცნობების წლიური ციკლის შევსება; ცნობების შეკრეფა მიწის იჯარით გაცემისა, კაპანზიდვის საშუალებითა გადატან-გადმოტანისა და სხვ. შესახებ;

ბ) პურეულობისა და ბალახეულობის მდგომარეობის დაკვირვება მთლად სავეტეცაიო პერიოდში;

გ) სას.-სამეურნეო ყველა კულტურის ფაქტიური მოსავლის გამორკვევა;

დ) დაღუბულ ნათესების სიერცის აღნუსხვა;

ე) თავისი რაიონის საექსპერტო კომისიების სხდომებში მონაწილეობის მიღება ამ კომისიების მუშაობის მოსაწესრიგებლად;

ვ) მეკომურთა სიების წინასწარი განხილვა გაზაფხულის შერჩევითი გამოკვლევის საჭიროებისათვის;

ზ) საკვები ნორმების გამოკვლევა;

თ) სას.-სამეურნეო კულტურების პროდუქციის შერჩევითი გამოკვლევა;

ი) სპეციალური კულტურების ანკეტების შეესება;

კ) საბჭოთა მეურნეობებისა, კოლმეურნეობებისა, სას.-სამეურნეო არტელეებისა, აგრონომიული, საბეითლო, საგრილებელი და სხვა პუნქტების სიების წარმოება.

III. მრეწველობის სტატისტიკის დარგში.

სამრეწველო დაწესებულებათა და შინამრეწველ-ხელოსნურ სარეწავათა სიების შედგენა და წარმოება. ცენზიან დაწესებულებათა მიერ სასწრაფო ანგარიშგების თავის დროზე წარდგენისა და ფორმულიარების სისწორით შეესები-სათვის თვალყურის დევნება.

IV. შრომის სტატისტიკის დარგში.

ა) უფრო გავრცელებული სახის სამუშაო ხელფასის შესახებ ცნობების მიწოდება;

ბ) სამუშაო ხელფასის ბარათების შევსებისა და თავის დროზე გაგზავნი-სათვის თვალყურის დევნება.

V. აღებ-მიცემობის სტატისტიკის დარგში.

ა) სათანადო რაიონში კოოპერატიულ დაწესებულებათა სიების შედგენა და წარმოება;

ბ) სავაჭრო დაწესებულებათა სიების შედგენა და წარმოება;

გ) სავაჭრო დაწესებულებათა თვითური კონიუნქტურული აღნუსხვის სრული ცნობების თავის დროზე გაგზავნი-სათვის თვალყურის დევნება;

დ) პროდუქტებზე არსებული საბაზრო ფასების რეგისტრაცია და ბაზრის დახასიათება დადგენილი ფორმების მიხედვით;

ე) წელიწადში ერთხელ რაიონში მომქმედი ბაზრებისა და იარმუკების გამოკვლევა;

ვ) თავის დროზე ადგილობრივი ბიუჯეტის შესახებ ცნობების გაგზავნი-სათვის თვალყურის დევნება (ცნობები შემოსავლისა, ხარჯისა და დაბეგვრის წყა-როების შესახებ).

29. შერჩევა და ინსტრუქტიობის გაწევა მოხალისე კორესპონდენტები-სათვის.

30. რესპუბლიკის სტატ. სამმართველოს, საქიროებისადამიხედვით, შეუძ-ლიან დააკისროს რაიონის სტატისტიკოსს ისეთი სტატ. სამუშაოს წარმოება, რაც ამა დებულებით გათვალისწინებული არ არის.

31. რაიონის სტატისტიკოსის მიერ ადგილობრივი მნიშვნელობის სტატ. სამუშაოს შესრულება ადგილობრივი ორგანოების დაეალებით და ხარჯით შეი-ძლება ნებადართულ იქნეს მხოლოდ იმ შემთხვევაში, თუ ეს ხელს არ შეუშლის სახელმწიფო სტატისტიკის მუშაობის საერთო გეგმის შესრულებას. ისეთ მუ-შაობას, რაც რაიონის ფარგლებს არა სცილდება, ნებას დართავს სამაზრო აღმ. კ-ტეტის სტატ. განყოფილება, ხოლო მაზრის მასშტაბით მუშაობისათვის საჭიროა საქართველოს სსრ სტატ. სამმართველოს (თანაც ავტონომიური რეს-პუბლიკისა თუ ოლქის სტატ. სამმართველოს) ნებართვა.

62. დადგენილება ც. ა. კ. და ს. კ. ს.

სიხს. სამ. კოდ. 92 მუხლისათვის მეორე ნაწილის დამატების შესახებ.

სრულიად საქართველოს საბჭოთა მე-II მოწვევის ცენტრალური აღმას-რულებელი კომიტეტის მე-2 სესიის 1924 წ. მარტის 10-ის თარიღისა და 77 №-ის დადგენილების მე-2 მუხ. წესისამებრ (კან. კრებ. 1924 წ. № 1-ი, მუხ. 7),

სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

საქართველოს სსრ სისხლის სამართლის კოდექსის 92 მუხლს (1928 წლის რედ.) დაემატოს მეორე ნაწილი შემდეგი შინაარსისა:

„დამქირავებლის მიერ ხელის შეშლა დაქირავებით მომუშავე პირისათვის რომ მან თავისი საარჩევნო უფლება განახორციელოს—

თავისუფლების აღკვეთას ან იძულებით მუშაობას ერთ წლამდე, ან ჯარიმის ათას მანეთამდე“.

სრულიად საქართველოს ცენტრალური აღმასრულებელი კომიტეტის თავმჯდომარე მ. ცხაკაია.

საქართველოს სსრ სახალხო კომისართა საბჭოს თავმჯდომარის მოადგილე გ. მგალობლიშვილი.

სრ. საქართველოს ცენტრალური აღმასრულებელი კომიტეტის მდივანი ი. ვარძიელი.

1929 წ. მარტის 11.

ტფილისი—სასახლე.

ცენტრალური აღმასრულებელი კომიტეტის დადგენილება.

63. დადგენილება ც. ა. კ.

დედათა და ბავშთა დაცვის საზოგადოების „სამდლიური“-ს მოწყობის შესახებ.

დედათა და ბავშთა დაცვის საზოგადოების იდეებისა და მიზნების პოპულიარიზაციისათვის და მისი მატერიალური სახსრის გაძლიერებისათვის სრულიად საქართველოს ცენტრალური აღმასრულებელი კომიტეტი ადგენს:

1. ნება დაერთოს საქართველოს სსრ ჯანმრთელობის სახალხო კომისარიატს მოაწყოს სსსრ ტერიტორიაზე „სამდლიური“—8, 9 და 10 მარტს—შემდეგ საფუძველზე:

2. ზემოაღნიშნული სამი დღის (8, 9 და 10 მარტს) განმავლობაში ჯანმრთელობის სახალხო კომისარიატს ნება დართული აქვს:

ა) მოაწყოს საჯარო ლექციები, საუბრები და მოხსენებები დედათა და ბავშთა დაცვის მიზნების შესახებ თემებზე, რისთვისაც შეუძლიან გამოიყენონ საზოგადოებრივი აუდიტორიები, კინო-თეატრების სადგომები და რადიო-გადაცემა;

ბ) გამართოს ფასიანი კონცერტები და წარმოდგენები;

გ) შეაგროვოს ყულაბებით ნებაყოფლობითი გამოსაღები ქუჩებში, საჯარო ადგილებში და სახელმწიფო დაწესებულებათა სადგომებში.

3. შემოღებულ იქნეს იმავე სამი დღის განმავლობაში სპეციალური დაბეგვის სახით დედათა და ბავშთა დაცვის სასარგებლოთ:

ა) სპეციალური გამოსაღები ყველა გასართობ-საჩუქრის (თეატრი, კინო, ცირკი, დოლი და სხვა) ბილეთებზე—ამ ბილეთების ღირებულების 10%-ის რაოდენობა.

დენობით (იმ გამოსაღების გარეშე, რაც დაწესებულია საკავშირო კანონმდებლობის წესით);

ბ) სპეციალური გამოსაღები ყველა რესტორანისა, სასადილო და სასტუმროს ბრუნვაზე—მათი სამ დღის საშუალო ბრუნვის 10%-ის რაოდენობით;

გ) სპეციალური გამოსაღები აბანოებში ცალკე ნომრების სარგებლობისათვის არსებული ნიხრით დაწესებული ამ ნომრების ღირებულების 10%-ის რაოდენობით.

4. სამი დღის განმავლობაში შეგროვილი სახსრის ოთხმოცი პროცენტი გადაეცეს დედათა და ბავშვთა დაცვის საზოგადოების ადგილობრივ ქვე-განყოფილებათ, ხოლო ოცი პროცენტი—ჯანმრთელობის სახალხო კომისარიატთან არსებულ დედათა და ბავშვთა დაცვის განყოფილებას უფრო სუსტი ადგილობრივი ორგანიზაციებისათვის დახმარების გასაწევად.

5. ამა დადგენილებაში აღნიშნულ ღონისძიებათ განახორციელებს ჯანმრთელობის სახალხო კომისარიატი განსაკუთრებული რესპუბლიკანური კომიტეტის მეშვეობით, რომელიც მოეწყობა სამდღიურის ჩასატარებლად.

სრულიად საქართველოს ცენტრალური აღმასრულებელი
კომიტეტის თავმჯდომარე მ. ცხაკაია.

სრულიად საქართველოს ცენტრალური აღმას-
რულებელი კომიტეტის მდივანი ი. ვარძიელი.

1929 წ. მარტის 6.
ტფილისი—სასახლე.

სახალხო კომისარიატის საბჭოს დადგენილება

64. დადგენილება ს. კ. ს.

შენობის გადასახადის უკიდურესი განაკვეთის შესახებ.

თანახმად ა/კსტსრ ადგილობრივი ფინანსების დებულების 31 მუხლის შენიშვნისა, ამიერკავკასიის ცენტრალური აღმასრულებელი კომიტეტისა და ა/კსტსრ სახალხო კომისარიატის საბჭოს 1928 წ. დეკემბრის 17 დადგენილების რედაქციით, საქართველოს სსრ სახალხო კომისარიატის საბჭო ადგენს:

შენობის გადასახადის უკიდურესი განაკვეთი გადიდებულ იქნეს შენობის მატერიალური ღირებულების ნახევარ პროცენტამდე.

საქართველოს სსრ სახალხო კომისარიატის საბჭოს
თავმჯდომარის მოადგილე გ. მგალობლიშვილი.

საქართველოს სსრ სახალხო კომისარიატის საბჭოს
საქმეთა მმართველი პ. მეგრელიშვილი.

1929 წ. თებერვლის 11.
ტფილისი—სასახლე.

გამოქვეყნებულია გაზ. „კომუნისტის“ 64 №-ში 1929 წ. მარტის 22-ს.

65. დადგენილება ს. კ. ს.

კომუნალურ საწარმოთა ქონების ამორტიზაციის დებულების დამტკიცების შესახებ.

საქართველოს სსრ სახალხო კომისართა საბჭო ადგენს:

1. დამტკიცებულ და სამოქმედოდ შემოღებულ იქნეს ამასთანავე დართული დებულება კომუნალურ საწარმოთა ქონების ამორტიზაციის შესახებ.

2. დაევალოს საქართველოს სსრ სახალხო მეურნეობის უმაღლეს საბჭოს გამოსცეს საქართველოს სსრ ფინანსთა სახალხო კომისარიატთან ერთად, ინსტრუქცია ამა დებულებების განხორციელებისათვის.

საქართველოს სსრ სახალხო კომისართა საბჭოს
 თავმჯდომარის მოადგილე გ. მაგლოზლიშვილი.

საქართველოს სსრ სახალხო კომისართა საბჭოს
 საქმეთა მმართველის მოადგილე ბ. სტეფანოვი.

1929 წ. მარტის 13.
 ტფილისი—სასახლე.

დ ე ბ უ ლ ე ბ ა

კომუნალურ საწარმოთა ქონების ამორტიზაციის შესახებ.

1. კომუნალურ საწარმოთა ძირითადი კაპიტალის დაცვისა და კომუნალური მომსახურეობის ფასების სწორი კალკულაციისათვის ყველა ადგილობრივი საბჭო ვალდებულია აწარმოოს კომუნალურ საწარმოთა ქონების ცვეთის აღნუსხვა და ამორტიზაცია ამ ქონების ღირებულებისა.

შენიშვნა. ქონების ცვეთა და ამორტიზაცია აღინუსხება თვითეულ საწარმოსათვის ცალკე.

2. საამორტიზაციო ანარიცხი გადაიდება საწარმოთა ქონების ყველა იმ ნაწილების ღირებულების განსაზღვრული პროცენტის რაოდენობით, რაც აღნიშნულია საინვენტარო აღწერილობაში და რაც თავისი ხასიათით ამ საწარმოს ძირითად კაპიტალს მიეკუთვნება (შენობა, მანქანები, გაწყობილობა, იარაღი, სულიერი და უსულო ინვენტარი).

3. საამორტიზაციო ანარიცხის თანხა უნდა შეესაბამებოდეს ქონების საშუალო გაცვეთის ღირებულებას, დადგენილი ნორმისამებრ, რაც განისაზღვრება ქონების ხმარების გამძლეობის დროის მიხედვით; თანაც უნდა აღინიშნოს შესრულებული კაპიტალური რემონტი.

ამორტიზაციისათვის გადადებული ანარიცხი სრულად შედის საწარმოს პროდუქციის თვითღირებულების კალკულაციაში.

4. ამორტიზაციის ნორმებს დააწესებს იმ ქალაქის საბჭო ან აღმასკომი, რომლის გამგებლობაშიაც არის საამორტიზაციო ქონება.

შენიშვნა. ამორტიზაციის საშუალო ნორმებს სახელმძღვანელოდ იძლევა საქართველოს სსრ სახალხო მეურნეობის უმაღლესი საბჭო საქართველოს სსრ ფინანსთა სახალხო კომისარიატთან ერთად.

5. ამორტიზაცია უნდა გაუკეთდეს ქონების იმ ღირებულებას, რაც განსაზღვრული იქნება ამა თუ იმ ქონების სათანადო საწარმოს საინვენტარო აღწერილობაში შეტანის დროს.

6. იჯარით გაცემული ქონების საამორტიზაციო ანარიცხი გადაიდება საიჯარო ქირიდან; ამიტომ საიჯარო ქირის განსაზღვრის დროს მხედველობაში უნდა იქნეს მიღებული საამორტიზაციო ანარიცხი და საიჯარო ქირა არ შეიძლება ქონების გაცვეთის ღირებულებაზე ნაკლები იყოს.

7. უშემოსავლო და კონსერვაციაქმნილი საწარმოს ქონების გაცვეთა აღინუსხება ამ საწარმოს საინვენტარო ღირებულების ანგარიშიდან იმ თანხის ჩამოწერით, რაც ცვეთის ღირებულებას შეესაბამება.

აღნიშნულ საწარმოთა კაპიტალური რემონტი, უკეთეს ამაჲს მისი დაცვა მოითხოვს, ადგილობრივი საბჭოს საბიუჯეტო სახსრით მოხდება.

8. ამა ძირითად დებულებათა მე-2 და მე-6 მუხლში აღნიშნული საამორტიზაციო ანარიცხებიდან ადგილობრივი ბიუჯეტის შედგენილობაში მოეწყობა ყველა კომუნალურ საწარმოთათვის ერთიანი საამორტიზაციო ფონდი, რომელიც სათანადო ქალაქის საბჭოს ან აღმასრულებელი კომიტეტის განკარგულებაშია.

9. საამორტიზაციო ფონდის სახსარი შეიძლება დახარჯულ იქნეს მხოლოდ ამორტიზირებული საწარმოს აღდგენისათვის ან ქონების გაცვეთილი ნაწილის კაპიტალური რემონტისათვის, ან და ძველი საწარმოს ნაცვლად ახალი საწარმოს აგებისათვის.

10. საამორტიზაციო ანარიცხის თანხა ინახება კომუნალური ბანკის ან მისი ადგილობრივი ფილიალის მიმდინარე ანგარიშზე, ხოლო იქ, სადაც ეს უკანასკნელი არ არის—სახელმწიფო ბანკის ადგილობრივი განყოფილების ან მისი სააგენტოს მიმდინარე ანგარიშზე, ან და სახელმწიფო შრომითი შემნახველ საღაროში.

11. საამორტიზაციო ფონდიდან სახსარის დახარჯვა სწარმოებს სახარჯთაღრიცხვო წესისამებრ ადგილობრივ ბიუჯეტში აღნიშვნით.

12. საწარმოს სრული ლიკვიდაციის დროს, როდესაც მის ნაცვლად მისივე მსგავსი საწარმო არ არსდება, ლიკვიდაციაქმნილი საწარმოს პირად ანგარიშზე დარჩენილი საამორტიზაციო ანარიცხის თანხა, დარჩენილი ქონების ლიკვიდაციით მიღებულ თანხასთან ერთად, ჩაირიცხება ადგილობრივი ბიუჯეტის საერთო რესურსებში კომუნალურ საწარმოთა მშენებლობის საპირობებისათვის.

13. ამორტიზირებული ქონების ნაწილობრივი ლიკვიდაციის დროს ამ ქონების რეალიზაციით მიღებული თანხა ჩაირიცხება საამორტიზაციო ფონდში, ხოლო საამორტიზაციო ანარიცხის წილი სათანადოდ შემცირდება.

66. დ ა დ გ ე ნ ი ლ ე ბ ა ს. კ. ს.

სვანეთის გზის მშენებელი კომიტეტის დებულების დამტკიცების შესახებ.

საქართველოს სსრ სახალხო კომისართა საბჭო ადგენს:
დამტკიცებულ და სამოქმედოდ შემოღებულ იქნეს ამასთანავე დართული
დებულება სვანეთის გზის მშენებელი კომიტეტის შესახებ.

საქართველოს სსრ სახალხო კომისართა
საბჭოს თავმჯდომარე ფ. მახარაძე.

საქართველოს სსრ სახალხო კომისართა
საბჭოს საქმეთა მმართველი პ. მეგრელიშვილი.

1929 წ. მარტის 13.
ტფილისი—სასახლე.

დ ე ბ უ ლ ე ბ ა

სვანეთის გზის მშენებელი კომიტეტის შესახებ.

1. სვანეთის გზის მშენებლობისათვის საერთო ხელმძღვანელობისა და ზედამხედველობის გასაწევად საქართველოს სახალხო კომისართა საბჭოსთან არსდება სვანეთის გზის მშენებელი კომიტეტი, რომელიც მოქმედობს ამა დებულების თანახმად.

კომიტეტის სათავეში სდგას პრეზიდიუმი, რომელიც შესდგება შვიდი წევრისაგან.

2. სვანეთის გზის შენების სამუშაოებს კომიტეტი ანხორციელებს აღნიშნული გზის სამუშაოთა სამმართველოს მეშვეობით; სამუშაოთა სამმართველოს სათავეში სდგას სამუშაოთა უფროსი, რომელიც პასუხისმგებელია სვანეთის გზის შენების ტექნიკური და სამეურნეო-საადმინისტრაციო დარგებისათვის.

სამუშაოთა უფროსთან კომიტეტს ყავს თავისი რწმუნებული, რომელიც მოქმედობს სპეციალური ინსტრუქციის თანახმად.

3. სვანეთის გზის სამუშაოების საერთო ტექნიკური და სამეურნეო-საადმინისტრაციო ზედამხედველობა, — ცალკე სამუშაოთა სამმართველოების მიმართ მიღებული წესის თანახმად, — დაევალება საქართველოს ადგილობრივი ტრანსპორტის სამმართველოს, რომელიც, ისე, როგორც სვანეთის გზის სამუშაოთა უფროსი უშუალოდ, — თავის მოქმედების ანგარიშს პერიოდულად წარუდგენენ სვანეთის გზის მშენებელ კომიტეტს.

4. კომიტეტის მოვალეობას შეადგენს:

ა) განიხილოს, დაადასტუროს და წარადგინოს საქართველოს სსრ სახალხო კომისართა საბჭოში სამუშაოთა უფროსის მიერ შეტანილი გზის პროექტი და ხარჯთაღრიცხვა;

ბ) განიხილოს და დაამტკიცოს სამუშაოთა საწარმოო და ფინანსიური გეგმები;

გ) განიხილოს და დაადასტუროს საიჯაროდ გასაცემი მნიშვნელოვანი სამუშაოებისა და ყიდვა-მიწოდების საერთო პირობები;

დ) დაამტკიცოს თანამდებობაზე სამუშაოთა უფროსი და მისი მოადგილე, აგრეთვე სამუშაოთა მწარმოებლები, საგამოკვევეო პარტიების უფროსები და მთავარი ბუხპალტერი და განსაზღვროს მათი ჯამაგირი;

ე) განიხილოს, დაადასტუროს და წარუდგინოს სახალხო კომისართა საბჭოს სამუშაოების პერიოდული და საბოლოო ანგარიშები და ბალანსები;

შენიშვნა. ამა მუხლში აღნიშნული ყველა საკითხი წარედგინება კომიტეტს საქართველოს სსრ ადგილობრივი ტრანსპორტის სამმართველოს მიერ, ან და, ამ უკანასკნელის დავალებით, უშუალოდ სამუშაოთა უფროსის მიერ.

5. კომიტეტის წევრების რიცხვს განსაზღვრავს საქართველოს სსრ სახალხო კომისართა საბჭო განსაკუთრებული დადგენილებით.

ასეთივე წესით დაინიშნებიან კომიტეტის თავმჯდომარე და წევრები. კომიტეტის მუდმივ წევრებად ითვლებიან აგრეთვე, თავიანთ თანამდებობათა მიხედვით, საქართველოს ადგილობრივი ტრანსპორტის სამმართველოს უფროსი და სენათის გზის სამუშაოთა უფროსი.

6. სენათის გზის სამუშაოთა უფროსს დაევალება პასუხსახები და უშუალო ხელმძღვანელობის გაწევა გზის საბოლოო გამოკვლევებისა, პროექტების და ხარჯთაღრიცხვების შედგენისათვის, აგრეთვე სამშენებლო სამუშაოების წარმოების ტექნიკური უზრუნველყოფა, ფინანსიური და ადმინისტრატიული ნაწილის გამგებლობა სამუშაოთა ცალკე სამმართველოებისათვის არსებულ საერთო დებულების საფუძველზე.

7. კომიტეტის გადაწყვეტილებანი გამოიტანება დამსწრე წევრთა ხმის უმეტესობით, ხოლო უკეთუ ხმები თანასწორად გაიყოს, თავმჯდომარის ხმა გადასძლევის. სხდომებსა და სხდომებს შუა კომიტეტის საფუნქციო საკითხებს გადასწყეტს კომიტეტის პრეზიდიუმი, რასაც შემდგომ კომიტეტს მოახსენებს.

უკეთუ სამუშაოთა უფროსი თანახმა არ არის კომიტეტის დადგენილებისა სატექნიკო-საწარმოო საკითხის გამო, მას შეუძლიან შეიტანოს განსაკუთრებული აზრი, რაც კომიტეტის ოქმითურთ, საბოლოო გადაწყვეტილებისათვის წარედგინება საქართველოს სსრ სახალხო კომისართა საბჭოს.

კომიტეტის დადგენილებანი განხორციელდება კომიტეტის თავმჯდომარის განკარგულებით.

8. კომიტეტს აქვს ბეჭედი შემდეგი წარწერით: „სენათის გზის მშენებელი კომიტეტი“.

67. დ ა დ გ ე ნ ი ლ ე ბ ა ს. კ. ს.

სამაზრო აღმასრულებელი კომიტეტების მიერ, 1928-29 წლის საბიუჯეტო წლისთვის, ადგილობრივ ბიუჯეტში შესულ გამოსაღებზე $\%$ ული დანარიცხების დაწესების შესახებ იმ სახალხო მოსამართლეთა გასამარჯელოს გასაღებად, რომელნიც ნოტარიუსის მოვალეობას ასრულებენ.

საქართველოს სსრ სახალხო კომისართა საბჭო ადგენს:

1. წინადადება მიეცეს სამაზრო აღმასრულებელ კომიტეტებს, 1928-29 წლისათვის, საქართველოს სსრ ადგილობრივ ბიუჯეტების ხელახლად შედგენის დროს, დააწესონ 25 პროცენტიანი ანარიცხი იმ გამოსაღებზე, რაც ადგილობრივ ბიუჯეტში შედის სახალხო მოსამართლეების მიერ შესრულებული სანოტარო მოქმედებისათვის (მე-2 მუხლი სსრკ ცენ. აღმ. კ.ტისა და სახალხო კომისართა საბჭოს 1927 წ. დეკემბრის 21-ს დადგენილებისა „სანოტარო ორგანოების სახელმწიფო ბიუჯეტზე გადაყვანის შესახებ“ 1927 წ. კან. კრებ. № 2, მუხ. 12). ეს ანარიცხი დაწესებულია სანოტარო ფუნქციების შემსრულებელი სახალხო მოსამართლეებისათვის სპეციალური გასამარჯელოს მისაცემად. ამასთანავე, ეს გასამარჯელო არ უნდა აღმატებოდეს 20 მანეთს თვეში.

2. უფლება მიეცეს ფინანსთა სახალხო კომისარს, იუსტიციის სახალხო კომისართან შეთანხმებით, განუმარტოს ადგილებს 1-ლ მუხლში აღნიშნული ანარიცხების გამოყენების წესი.

საქართველოს სსრ სახალხო კომისართა
საბჭოს თავმჯდომარე ფ. მახარაძე.

საქართველოს სსრ სახალხო კომისათა
საბჭოს საქმეთა მმართველი პ. მეგრელიშვილი.

1929 წ. მარტის 19.
ტფილისი—სასახლე.

68. დ ა დ გ ე ნ ი ლ ე ბ ა ს. კ. ს.

საქართველოს სსრ სახალხო კომისართა საბჭოსთან არსებული მომწაადებელი კომისიისა და აგრეთვე მისი დებულების გაუქმების შესახებ.

საქართველოს სსრ სახალხო კომისართა საბჭო ადგენს:

1. გაუქმებულ იქნეს საქართველოს სსრ სახალხო კომისართა საბჭოსთან არსებული მომწაადებელი კომისია.

2. საქართველოს სსრ სახალხო კომისართა საბჭოსთან არსებული მომწაადებელი კომისიის დებულება, რომელიც დამტკიცებულია სახალხო კომისართა საბჭოს 1928 წლის ნოემბრის 30-ის დადგენილებით („საქართველოს სსრ კან. კრებ. 1929 წ. № 1, მუხ. 13), გაუქმებულ იქნეს.

საქართველოს სსრ სახალხო კომისართა საბჭოს
თავმჯდომარე ფ. მახარაძე.

საქართველოს სსრ სახალხო კომისართა საბჭოს
საქმეთა მმართველი პ. მეგრელიშვილი.

1929 წ. მარტის 19.
ტფილისი—სასახლე.

69. დ ა დ გ ე ნ ი ლ ე ბ ა ს. კ. ს.

1928 29 საბიუჯეტო წლისათვის ცენტრალური რესპუბლიკანური დაწესებულებებისა და არაგაერთიანებული სახალხო კომისარიატების შტატებისა და ჯამაგირების განსაზღვრის შესახებ.

საქართველოს სსრ 1928-29 წლის სახელმწიფო ბიუჯეტის საბოლოოდ დამტკიცების გამო საქართველოს სსრ სახალხო კომისართა საბჭო ადგენს:

1. წინადადება მიეცეს საქართველოს სსრ შრომის სახალხო კომისარიატს, ფინანსთა და მუშათა და გლეხთა ინსპექციის სახალხო კომისარიატებისა, სათანადო უწყებისა და პროფესიონალური კავშირის მონაწილეობით, ორი კვირის განმავლობაში დღიდან ამა დადგენილების გამოქვეყნებისა, განსაზღვროს საქართველოს სსრ რესპუბლიკის ცენტრალური დაწესებულებებისა და არაგაერთიანებული სახალხო კომისარიატების შტატები და ჯამაგირები 1928-29 საბიუჯეტო წლისათვის იმ თანამდებობითი ჯამაგირების მიხედვით, რაც პროექტის სახით მიღებულ იქნა 1928-29 წლის ბიუჯეტში.

2. წინადადება მიეცეს ამა დადგენილების 1-ლ მუხლში აღნიშნულ დაწესებულებებსა და სახალხო კომისარიატებს წარადგინონ არა უგვიანეს 3 დღისა საქართველოს სსრ შრომის სახალხო კომისარიატში საშტატო-საჯამაგირო ნუსხების პროექტები, რომელთა შედგენისათვის უნდა იხელმძღვანელონ 1-ლ მუხლში აღნიშნულ თანამდებობითი ჯამაგირები.

3. ამა დადგენილების 1-ლ მუხლში გათვალისწინებული წესით განსაზღვრული შტატები და ჯამაგირები არ განისაზღვრება საქართველოს ს.ს.რ. სახალხო კომისართა საბჭოში და საბოლოოა 1928-29 საბიუჯეტო წლისათვის.

4. წინადადება მიეცეს საქართველოს სსრ ფინანსთა სახალხო კომისარიატსა და ზემოაღნიშნულ ცენტრალურ დაწესებულებებსა და სახალხო კომისარიატებს, რათა პირველმა სამუშაო ხელფასის კრედიტები, ხოლო მეორეებმა სამუშაო ხელფასი 1929 წლის თებერვლის 1-დან გასცენ ამა დადგენილების 1-ლ მუხლში გათვალისწინებული წესისამებრ განსაზღვრული შტატებისა და ჯამაგირების მიხედვით.

5. წინადადება მიეცეს საქართველოს სსრ შედგენილობაში შემავალი აფხაზეთის სსრ-ისა და აჭარისტანის ავტონომიური სსრ-ის სახალხო კომისართა საბჭოებს და სამხრეთ-ოსეთის ავტონომიური ოლქის ცენტრალურ აღმასრულებელ კომიტეტს გამოსცეს ამა დადგენილების 1, 2 და მე-3 მუხლებთან შეფარდებით ცენტრალური რესპუბლიკანური დაწესებულებებისა და არაგაერთიანებული სახალხო კომისარიატების სახელმძღვანელოდ სათანადო დადგენილებანი, რომლებშიაც აღნიშნონ, რომ განსაზღვრული შტატები და ჯამაგირით სამუშაო ხელფასი უნდა გაიცეს 1929 წლის თებერვლის 1-დან.

საქართველოს სსრ სახალხო კომისართა საბჭოს
თავმჯდომარის მოადგილე **გ. მგალობლიშვილი.**

საქართველოს სსრ სახალხო კომისართა საბჭოს
საქმეთა მმართველი **პ. მეგრელიშვილი.**

1929 წ. მარტის 13.
ტიფლისი—სახალხო.

გამოქვეყნებულია გაზ. „კომუნისტი“-ს 74 №-ში 1929 წ. აპრილის 3-ს.

70. დ ა დ გ ე ნ ი ლ ე ბ ა ს. ქ. ს.

მუშათა და გლეხთა წითელი არმიის კადრის მეულფროსეთა შედგენილობის პირ-
ათთვის, თავმოყრის დროს, ბინის ქირის 50%-იანი შეღავათის დაწესების
შესახებ.

საქართველოს სსრ სახალხო კომისართა საბჭო ადგენს:

1. დაწესებულ იქნეს, რომ მუშათა და გლეხთა წითელი არმიის კადრის
მეულფროსეთა შედგენილობის პირთ, მათი საკარგობო თავმოყრის დროს, ბინის
ქირა უნდა გადახდეთ ძირითადი განაკვეთის 50%-ს როოდენობით.

2. წინადადება მიეცეს ყველა საქალაქო საბჭოს—მოათავსოს წინა მუხლში
აღნიშნული შეღავათი მის მიერ დაწესებულ ბინის ქირის ტარიფში.

3. მიენდოს აფხაზეთის სსრ-ისა და აჭარისტანის ავტონომიური სსრ-ის
სახალხო კომისართა საბჭოებს, აგრეთვე სამხრეთ-ოსეთის ავტონომიური ოლქის
ცენტრალურ აღმასრულებელ კომიტეტს გამოსცენ ანალოგიური დადგენილებანი.

საქართველოს სსრ სახალხო კომისართა
საბჭოს თავმჯდომარე ფ. მაზარაძე.

საქართველოს სსრ სახალხო კომისართა
საბჭოს საქმეთა მმართველი პ. მეგრელიშვილი.

1929 წ. მარტის 19.
ტფილისი—სასახლე.

71. დ ა დ გ ე ნ ი ლ ე ბ ა ს. ქ. ს.

„სახელმწიფო შეკვეთით ნარდად მუშაობისა და გაყიდვა- მიწოდების საჯა-
რო ვაჭრობით გაცემის პუბლიკაციის თაობაზე“ სახალხო კომისართა საბჭოს
მიერ 1927 წ. ნოემბრის 4 თარიღით გამოცემული დადგენილების 1-ლ მუხ-
ლისათვის შენიშვნის დამატების შესახებ.

საქართველოს სსრ სახალხო კომისართა საბჭო ადგენს:

„სახელმწიფო შეკვეთით ნარდად მუშაობისა და გაყიდვა-მიწოდების სა-
ჯარო ვაჭრობით გაცემის პუბლიკაციის შესახებ“ 1927 წ. ნოემბრის 4-ს თარი-
ღით გამოცემული (საქართველოს სსრ კან. კრ. 1927 წ. მე-11 №, მუხ. 164) საქარ-
თველოს სსრ სახალხო კომისართა საბჭოს დადგენილების 1 მუხლს დაემატოს
შენიშვნა შემდეგი შინაარსისა:

შენიშვნა. პუბლიკაცია სამხედრო და საზღვაო საქმეთა სახალხო კო-
მისარიატის ორგანოებისათვის ნარდად მუშაობისა და გაყიდვა-მიწოდების
საჯარო ვაჭრობით გაცემის შესახებ, უკეთუ აღნიშნულ ნარდად მუშაო-
ბასა და გაყიდვა-მიწოდებას საერთო-საარმიო მნიშვნელობა აქვს, მოთაე-
სებულ უნდა იქნეს, ნავარაუდები ფასის მიუხედავად, გაზეთ „ზარია ვოს-
ტოკა“-ში.

პუბლიკაცია ცალკე სამხედრო ნაწილისათვის ნარდად მუშაობისა და გაყიდვა-მიწოდების საჯარო ვაჭრობით გაცემის შესახებ მოთავსებული უნდა იქნეს ნარდი მუშაობისა და გაყიდვა-მიწოდების ფასის მიუხედავად, გაზეთ „კომუნისტში“.

საქართველოს სსრ სახალხო კომისართა საბჭოს
 თავმჯდომარის მოადგილე გ. მგალობლიშვილი.

საქართველოს სსრ სახალხო კომისართა საბჭოს
 საკმეთა მმართველი პ. მეგრელიშვილი.

1929 წ. მარტის 26.
 ტფილისი—სასახლე.

შ ე ს წ ო რ ე ბ ა

დაბეჭდილია: უნდა იყოს:

კან. კრ. 1929 წ. № 6.	სისხ. სამ. კოდექსის	სისხ. სამ. კოდექსის
მუხ. 57, გვ. 143, სტრ. 5.	79 მუხ. თანახმად.	61 მუხ. თანახმად.

საქართველოს სახკომსაბჭოს საკმეთა მმართველობის სტამბა.
 მთავლიტი № 600. დაიბეჭდა 1250.